



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

XXI. Paschalis II. epistola ad Norigaudum Episcopum Augustodunensem.

urn:nbn:de:hbz:466:1-14622

XXI.

Paschalis II. epistola ad Norigaudum Episcopum Augustodunensem.

*Ex veteri Chartulario Ecclesiae
Augustodunensis.*

PASCHALIS Episcopus servus servorum Dei dilecto fratri Norigaudo Episcopo ejusque successoribus canonice substituendis in perpetuum. Quoniam divini dispensatione judicij ad hujus officij gradum, licet indigni, promoti sumus ut Apostolorum principis vices in Ecclesiæ regimine teneamus, elaborandum nobis est & annitendum omnino ut in constituendis ecclesiasticis negotiis ejus monita & institutiones devotione fidelissima & fide devotissima imitemur. Cujus fides præcipua & dilectio spectata Deo extitit adeo ut in ejus singulariter fidei stabilitate immobili pretioso sanguine suo redempta suam Dei filius statuere & confirmare voluerit Ecclesiam dicens: *Tu es Petrus, & super hanc petram aedificabo Ecclesiam meam.* Cui etiam tantam potestatis prærogativam concessit ut ejus arbitrio in cœlo & in terra vel liganda solverentur vel solvenda solverentur. Quam potestatis suæ successionem ipse beato Clementi & per eum omnibus concessit qui ejus sedi justè præsidere & Ecclesiam Dei canonica studuerint ordinatione disponere. Cujus nos fidei auctoritate muniti, tibi, dilecte frater Norigaude, omnibusque tibi canonice successoris confirmamus omnia quæ ad Eduensem Ecclesiam, in qua te canonice credimus ordinatum, pertinere videntur, tam in Ecclesiis, parrochiis, cimiteriis, Presbyteris, cunctisque ecclesiasticis ordinibus, quam etiam prædiis aliisque omnibus possessionibus mobilibus & immobilibus quæ acquisita sunt vel justè acquiri poterunt, ut hæc omnia tibi tuisque successoribus ita liberè possidere liceat sicut antecessor tuus in uno die ante suum obitum quietè & justè ac possedisse probantur. Illud autem apostoli-

ca auctoritate statuimus, ut nulli Presbytero vel viventi vel morienti seu ad aliam religionem vel ad quietam vitam transiunti liceat res quas à die ordinationis suæ in Ecclesia in qua est ordinatus conquerire poterit, auferre vel minuere; sed intacta ea & illibata in ipsa in qua conquisita sunt permittat Ecclesia remanere. Illos etiam qui à vobis excommunicati, vel ab officiis divinis pro suis fuerint excessibus remoti, ne aliquis in communionem recipere, vel in officiis præsumat restituere, eadem auctoritate prohibemus. Statuimus quoque ut pro sepulturæ quidem loco vel spatio nullum penitus ab aliquo pretium exigatur. Pro redemptione verò peccatorum, morientes in Ecclesia in qua fidei sacramenta acceperunt eleemosynam dare secundum apostolica decreta statuimus omnino & confirmamus. Si quis autem ad alia vivens sive moriens se conferre voluerit, de eo quod pro salute animæ suæ dare disposuerit, secundum apostolica de cetera matrici Ecclesiæ partem relinquat. Si qua sanè ecclesiastica secularisve persona contra hanc nostræ constitutionis paginam præsumptuosè venire tentaverit, hujusmodi, ut sacrilegij reum, à liminibus sanctæ Dei Ecclesiæ arcendum judicamus & confirmamus. Cunctis autem eidem Ecclesiæ justa servantibus sit pax Domini nostri Jesu Christi; quatinus & hic fructum bonæ actionis percipient, & apud bonorum retributorem præmia æternæ pacis inveniant. Amen. Amen. Scriptum per manum Johannis Scriniarij sacri Lateranensis palatij.

Ego Paschalis Episcopus catholicæ Ecclesiæ subscripsi.
 Ego Walterius indignus Albanensis Ecclesiæ subscripsi.
 Ego Albertus Cardinalis Tituli sanctæ Savinæ subscripsi.

Ego Bernardus indignus Cardinalis Tituli sancti Gregorii subscripsi.

Ego Albericus Dei gratia humilis Presbyter Tituli Apostolorum ad vincula roborando subscripsi.

Ego Augustinus indignus Cardinalis de Titulo sanctorum quatuor coronatorum subscripsi

Datum Laterani per manum Leonis scriptoris xviii.
 Kal. Maij, Indictione octava, anno dominicæ incar-

nationis millesimo centesimo , pontificatus autem
Domni Paschalis secundi Papæ primo.

X X I I.

Concordia monachorum sancti Bertini in
Sithiu cum parrochianis de Calays.

Ex Chartulario monasterij sancti Bertini.

NOVERIT universitas vestra quod ita convenit
inter nos & parrochianos nostros magistros Ec-
clesiae de Calays , quod leprosi ejusdem parrochiæ
proprium habebunt sacerdotem , quem de consilio
Presbyteri parochialis & assensu burgensium de Ca-
lays ibi instituemus ; præstabiturque sacramentum quod
fidelis erit Ecclesiae sancti Bertini & Ecclesiae parro-
chiali. Quod ut melius facere possit , magistri corun-
dem leprosorum annuos redditus decem librarum ei
assignarunt ; quibus debet esse contentus , nec aliquid
sibi usurpare quod pertineat ad jus parrochiale. Si
quis autem iter faciens ad eandem domum causa au-
diendi Missam diverterit & aliquid obtulerit , hoc non
Capellani sed leprosorum est. Et si quis parrochiano-
rum de Peterse vel de Calays ibi saepe ad Missam ve-
nerit , ammonitus à Presbytero suo si hoc non emen-
daverit , publicè excommunicabitur , & hoc quod ob-
tulerit Capellanus leprosorum cum juramento Pres-
bytero parochiali restituet , & eum de cetero non re-
cipiet. A nemine quoque idem Capellanus pretium
accipiet ut ei septenarium vel tricenarium aut anni-
versarium concedat. Et hoc corporali juramento pro-
mittet. Quod si horum prævaricator vel infamis per-
sona inventus fuerit , eum amovebimus , & alium præ-
dicto modo loco ejus substituemus. In cimiterio itaque
leprosorum prædictorum nemo nisi leprosus , vel qui
cum eis votum sollempne faciens per aliquantum tem-
pus habitum religionis sanus portaverit , poterit sepe-
liri. De iis quæ infra ambitum habitationis suæ , quæ